

RNI 68092/83 Regn. No. N.E. 1024

From

Synod Literature & Publication Board

Synod Office, Mission Veng

Aizawl – 796 001, Mizoram

Phone : 2324590



Vol. XXV No. 339

N E W S L E T T E R

December, 2011

WILL GRAHAM CRUSADE BUATSAIH A NI DAWN

**February 17 -19, 2012 chhungin Joint YMA Field, Vaivakawnah nghah a ni
Speaker : William Franklin Graham IV (Will Graham), USA**

Billy Graham Associate Evangelist Association (BGEA)-in Mizorama Pathian thu puan chhuah beihpui thlak an duh thu leh chumia mawh lo phur tura Mizoram Presbyterian Kohhran Synod an sawmna chu SEC-in remtiin Synod Officers Meeting (OM) bawhzui atan a dah a, OM chuan Organising Committee siamin Sub-Committee hrang hrang 12 siam leh a ni a; Crusade hlawhtling tak neih a nih theih nan chak takin inbuatsaihna kalpui zel a ni. He beihpui hi BGEA lam chuan *'Celebration of Peace with Will Graham'* tiin an vuah a, Organising Committee chuan hetiang beihpui hminga Mizote hming hriat lar sa hmanga **'Crusade'** tih rawtna BGEA-ah an thlen a, anni pawhin lo remtiin **'WILL GRAHAM CRUSADE'** tih a ni dawn ta a ni. He Crusade hi nakkum **2012 February ni 17 - 19 chhungin Joint YMA Field, Vaivakawnah** hman tura ruahman a ni.

He Crusade buatsaih tur atana Sub-Committee hrang hrangte chuan an mawhphurhna theuh hlen tumin hma an la nghal a, an hmalakna tura sum senso turte chhût chhuakin Organising Committee-ah an thlen hlawm a, chu chu Organising Committee chuan a lo thlir leh a, a pum puia senso tura ruahman chu ₹ 24,67,000/ - a ni a; sum sen tam tul zualnate chu Physical Arrangement (Pandal leh a kaihnawih)-ah te, Light and Sound-ah te, ei leh in lamah te a ni ang. Physical Arrangement Sub-Committee chuan mi 13,000 vel inkhawm theihna tur pandal sak an tum.

Crusade-ah hian Thlarau Thianghlim hnathawh ropui tak a thlen theih nan nasa taka Pathian hnena ÷awngtai a pawimawh avangin Prayer Sub-Committee chuan Kohhran tinah mahni remchan ang anga hemi puala ÷awngtaina hun hmang ÷hin tura ngenna an thawn a, Kohhran tam zawkin an bawhzui mek zel. Aizawl khawpui chhung Pastor Bial hrang hrangte phei chu he Crusade puala ÷awngtai Inkhawmpui buatsaih turin an ngen a; he thu buatsaih lai thleng hian Pastor Bial pariat – Luangmual Bial, Mission Veng Bial, Dawrpui Vengthar Bial, Chawnpui Bial, Venghnuai Bial, Durtlang Bial, Tuikual Bial leh Chhinga Veng Bialten he Crusade pual ÷awngtai inkhawmpui hi an hmang tawh a; Bial ÷henkhat pawh an intintuah mek nia hriat a ni. Prayer Sub-Committee chuan Synod Inkhawmpui laia Crusade puala ÷awngtai rual hun hman leh December 17, 2011 (Inrinni) zana Kohhran tina ÷awngtaina hun hman pawh a rawt bawk.

India rama BGEA rawngbawlnaa mawhphurtu ber Rev. Solomon Bodhan-a pawh Crusade buatsaih tur chungchangah hian kuminah wawi thum lai Mizoramah a lo kal tawh a, Crusade buatsaih a nih dan turah rawtna hrang hrangte siamin Organising Committee-in a ngaihtuah zel a, hmun danga buatsaih tawh dan aia ruahmanna fel zawka thil kalpui tum a nih avangin lawmthu a sawi a ni.

Crusade Programme tlangpui hetiangin duan a ni: February 16, 2011 (Ningani) zanah Pandal hlan leh Crusade hawn inkhawma hun hman a ni ang a, ni 17 chhun chu Kohhran Hmeichhe pual a ni ang a, zan lam chu mipui Vantlang pual Pathian biak inkhawm a ni thung ang. Ni 18 chhun chu ÷halai pual inkhawma hun hman a ni ang a, zan lam leh a tuk ni 19 nilengin mipui Vantlang pual Pathian biak inkhawm a ni leh ang. A hawn zan hian BGEA India Co-ordinator Rev. Solomon Bodhan-a'n thu a sawi ang a, a dang zawngah hian Speaker, Will Graham-a'n Pathian thuchah a sawi ÷hin ang. Bial pum infin Zaipawl leh BGEA lam a ÷anga zaithiam lo kalte an zai ÷hin bawk ang. Inkhawm ban apiangin Counselling class neih a ni ang a, Mizo zinga hemi lam ti ÷hang, Counsellor ÷a tak taktennuna harsatna tawh, Pathian thua kawm duh apiang an kawm ÷hin ang.

Speaker tur Will Graham-a hi Billy Graham-a tupa (a fapa upa ber Franklin Graham-a fapa), kum 37 mi, naupan laia piangthar, Pathian thu zirna lama M. Div. a ni a, thu sawi thiam leh mi hneh thei tak a ni.



Editorial Staff

Rev. Thangzauva Upa H. Ronghaka
Rev. B. Lalngkhakiana
Upa C.H. Thangkhuma

KRISMAS hian thinlung a fan hneh hle thin a, kan rilru leh ngaihtuahna pawh hlimnain a khat thin. Krismas-in a ken tel thil chi hrang hrang – ruai, thawmhnaw thar, in chhung, Biak In leh veng chei, ei leh in lama intuituah leh hlimhlawp chi hrang hrangte hian a tak – Bethlehem nau piang Isua, rinnain a puan Krista a hlih thei ta hial mai. He hun ropui tak awmtirtu Lal Isuan kan thinlungah hmun a chang em tih hi ngaihtuahin, thinlung robawmte hawngin nausen chibai i buk ang u.

Synod Newsletter chhiartu zawng zawngte Krismas leh Kum Thar Chibai kan buk a che u. Lal thar lo piang chu in tan malsawmna duhawm tak lo ni turin duhsakna kan hlan a che u.

- Editorial Staff
Synod Newsletter

KOHRAN UPA CENTENARY

Mizoten Kohhran Upa kan neih hmasak ber atanga chhiarin kumin 2011 hi kum 100-na (Centenary) a ni a. Kum 1911 khan Mizorama Kohhran Upa hmasa ber ni turin Mission Veng Kohhranah Kohhran Upa an lo thlang tawh a, chuta an thlan chhuahte chu – Upa R. Dala leh Upa Rosema te an ni. Kohhran Upa Centenary denchen hian Kristian Thalai Pawl, Mission Veng Branch chuan an Kohhrana Kohhran Upa lo ni tawh zawng zawngte chu Chawimawina Certificate an hlan a, Kohhran Upa Centenary Souvenir buatsaihin an tlangzarh nghal baw.

K.Ṭ.P GENERAL CONFERENCE HLA BU

Kristian Thalai Pawl General Conference vawi 54-na Hla Bu, hla 50 awmna ₹ 20/- man chu December 5, 2011 dar 9:00 a.m. khan Synod Executive Secretary i/c K.Ṭ.P, Rev. Zosangliana Colney-in Synod Bookroom Headquarters tual zawlah Pathian hnena hlanin a tlangzarh. Hla lama tui miten an vawm khawm 93 atangin 29 thlan a ni a, kum 2010-a mi hla 11 chhawm a ni a, a dang chu Lengkhawm hla a ni. He Hla Bu hi bu 40,000 chhut a ni a, heng zinga bu 5,000 chu khang kuala chilh (spiral binding) a ni a, heng hi a man pawh ₹ 30/- a ni bik. K.Ṭ.P Gen. Conference Hla Bu hi Synod Bookroom hrang hrangah zawrh nghal a ni.

Kristian Thalai Pawl General Conference hi nakkum 2012 March 1-4 khian Thenzawlah hman a ni ang. A thlengtu lam pawh an inbuatsaih nasa tan hle.

EDITOR THAR TUR - REV. K. LALPIANGTHARA

Synod Department pawimawh tak, lehkhahu leh chanchinbu chhuah lama mawhpurtu, Synod Literature & Publication Board (SL&PB) Editor Rev. Thangzauva thawh hun chhung (term) a lo tawp dawn tak avangin Synod Executive Committee (SEC) vawi 235-na chuan Editor thar atan Rev. K. Lalpiangthara a thlang. Editor, SL&PB hian he Department-in chanchinbu a enkawl pathumah dinhmun pawimawh tak tak a luah a, Kristian Tlangau Editor, Synod Newsletter Editorial Staff leh Kristian Naupang Managing Editor a ni nghal thin.



Editor thar Rev. K. Lalpiangthara hi tunah Mizoram Presbyterian Kohhran Synod-ah Minister senior zinga mi a ni a, kum 1986 Synod-ah Probationary Pastor atana lak niin kum 1987-1989 chhung Mamit Pastor Bialah a awm a, kum 1990-1995 chhung Tuidu Bial (Tripura)-ah Pastor-in a awm a, kum 1996-ah Tripura Field Secretary-ah awm zui leh in term hnih (kum ruk) chhung hmingtha takin a thawk a; hemi hnu hian Tuikual Bialah Pastor-in term khat (kum nga chhung) a thawk leh tawh. Kum 2010-2012 chhunga Kristian Thalai Pawl Leader atan Synod-in a ruat a, nakkum K.Ṭ.P General Conference thleng khian he mawhpurhna hi a la chelh dawn nghe nghe a ni.

MISSIONARY-TE INTUATHARNA

November 24 – 27. 2011 chhung khan Mission Vengthlang Kohhran Biak Inah Central India huam chhunga Missionary-te pualin INTUATHARNA (Retreat) hman a ni a. Kuminah North East Region, Home Mission-a thawkte pualin Retreat hi hman a ni tawh a, tun tuma mi hi a hlawm tawpna ber a ni.

Retreat-ah hian Delhi, Lucknow, Patna, Jarkhand, Siligur, Nepal leh Kolkota Field-a thawk te, IMA seva Bharat, CMS tent making Ministry-a thawk te, an vaiin Missionary 141 an tel thei a, an kawppuite nen chuan mi 200 vel an ni. Heng bakah hian SMB Office-a thawktute leh MTC-a thawktute leh zirlaite mi thahnem tak a tawp thlengin an tel baw.

Retreat thupui 'Ka thlarau zawkin le' (Zak. 4:6) tih chu SMB Secretary Rev. Lalchhuanmawia'n a sawi a. Mosia chanchin zira Character Study neih a ni baw a, Pastor Lalbiakvulmawia'n a zirtir. Zirtawpni zan atanga Pathian ni zan thleng hian inkhawm ban apiangin zaikhawm thin a ni a. Field Secretary-ten an hruai thin a ni. A tawp zan inkhawmah Rev. Lazuithanga, Executive Secretary hnen atangin Pathian thuchah ropui tak ngaihthlak a ni.



Râl Vêngtu chu a venbûk sâng taka a hawi vang vang lai chuan ðhian dun hi an lo kal a, a hnenah, “Râl Vêngtu, Krismas a lo hnai ta a, thuchah min hrilh tur i neih ngei kan ring a, min hrilh ta che,” an ti a. Râl Vêngtu chuan, “Nei e, hengte hi lo ngaithla ta che u,” a ti a –

1. Krismas awmtirtu Krista theihngilh ðhak khawpin Krismas hmang suh u.

2. Ei leh in, silh leh fen te hi Krismas avangin buai phah nan hmang suh u.

3. Krismas leh kum hlui thlah zan paltlang zo lo Kristian ni suh ula, sualah tlu lul suh u.

4. Kohhranin Programme a siamte ngai pawimawh ula, in nun a hlimin a him ber ang.

5. In inchhir lehna tur thil ðha lo chu ti ngai suh ula, ruihtheih thil a ni emaw, mipat hmeichiatna sualna thil a ni emaw - thil dang pawh ni se ti lul suh u.

6. Khawchhak mi fingte - nausen chibai bukthe kha hlim taka an in lama an kir leh ang khân kir ve ngei tum ula, Sumeona ang khan, “I chhandamna mi tin hmuha i siam kha ka mitin a hmu ta e,” ti ngei thei turin thinlung robawm hawngin Krismas hmang ang che u.

SYNOD INKHAWMPUI VAWI 88-NA

Mizoram Presbyterian Inkhawmpui Lian, Kohhran rorelnaa thu neitu sang, Synod Inkhawmpui chu December 6–10, 2011 chung hian Khatla Kohhran Biak Inah hman a ni a, palai an kal ðha hle. Presbytery hawn, Bial thar siam leh Pastor/Pro. Pastor lak, nemngheh leh sawn kual thlenga thu neitu a nih bakah Synod pum pui hma lakna tur reltu ber a ni.

Tun ðum Synod-ah hian Presbytery aþanga lût thu ngaihtuah tur (General Agenda) 46 a awm a, nikum lama Synod thu bawhuina leh Board/Committee hrang hrang aþanga thu lût ngaihtuah tur 30 vel a awm baw. Rorel tlangpui chu January 2012 issue-ahrawn tihchhuah tum a ni e. Probationary Pastor hna dil aþangin mi 17 Pro. Pastor atan lak thar an ni a, an zinga pathum chu Mission Board hnuaia thawk tura lak an ni. Kumin Synod-ah hian India ram pawn lam aþangin chhimtu an awm lo va, PCI hnuaia Synod dang aþangin palai (*fraternal deligate*) an lo kal ðha hle thung.

PRESBYTERIAN HOSPITAL, DURTLANG NOVEMBER, 2011 CHHUNGA THILPEK DAWNTE

I. CHARITY FUND

1. Leitan South Kohhran Hmeichhia	Rs. 2,000
2. KTP, Kawrthah Branch	Rs. 1,010
3. K.C. Hardware Store, Zemabawk c/o K.C. Pian	Rs. 4,000
4. Pu Albert Lalchhandama, Khatla, Aizawl	Rs. 2,000
5. Sarah Lalengzami Pachuau, A-31, Zarkawt	Rs. 4,550
6. Pu Hualhnuna, Sihphir Vengthar	Rs. 1,000
7. Champhai Vengthlang Kohhran	Rs. 50,000
8. Phulpui Presbyterian Kohhran	Rs. 5,000
9. Zemabawk Bial Kohhran Hmeichhia	Rs. 10,000
10. Chaltlang South Kohhran Hmeichhia	Rs. 5,000
11. Sihphir Bial Kohhran Hmeichhia	Rs. 5,000
12. Boys' Hostel, Synod H.S.S, Mission Vengthlang	Rs. 10,000
13. Pu C. Thasiama, Bawngkawn Sairang Road	Rs. 1,500
14. Pu Lalnunsanga, Durtlang Dawrkawn	Rs. 1,000
15. B. Lalrinkima, Govt. Complex, Aizawl	Rs. 2,000
16. C. Lenkhama, Sihphir Arpu Veng	Rs. 1,000
17. Champhai Kahrawt Bial Kohhran Hmeichhia	Rs. 2,000
TOTAL	Rs.1,07,060

II. THISEN PETE

	UNIT PEK ZAT
1. KTP, Thingsulthliah Branch	19 Units
2. KTP, South Hlimen Branch	41 Units
3. KTP, Bethlehem Venglai North Branch	26 Units
4. KTP, Dawrpui Branch, Aizawl	54 Units
5. Modern Information Technology (MIT), Chhinga Veng	18 Units
6. S.S.U. General Headquarters	149 Units
7. KTP, Sumsuih Pastor Bial	55 Units
8. KTP, Hunthar Branch	32 Units
TOTAL	394 Units

III. THILDANG PETE

1. Manikbond Kohhran Hmeichhia	Hmunphiah 6
2. Saipum EFCI Kohhran Hmeichhia	Þhutthlengsei 1
3. Pi Vanlalsawmi, Kawnpui Hmar Veng, Mizoram	Hmunphiah 12
4. Pu P.L. Liandinga, Khatla South, Aizawl	
(1) NCB Nurse Duty tan	lekhhabu chi hrang hrang 31
(2) NCB Duty tan	dawhkan 1
5. Mizoram State Library, Aizawl	Lekhhabu chi hrang hrang 165
6. Chhinga Veng Presbyterian Kohhran Hmeichhia	Krismas thilpek Rs. 10,000/-
7. The Hon'ble Chief Minister, Govt. of Mizoram	Krismas thilpek Rs. 3,000/-
8. Champhai Kahrawt Bial Kohhran Hmeichhia	Swabstick ðhahnem tak

Khawngaihna leh duhsakna avanga kan Lalpa Isua Krista hminga thilpek min petu zawng zawngte hnenah Isua Krista hmingin lawmthu kan sawi tak meuh meuh a ni e.

Sd/-
(Rev. C. LALBIAKHLUNA)
Chaplain,
Presbyterian Hospital



Meisatla Kohhran chuan Oct. 18–29 chhung khan Pu C. Lalnunsanga speaker-a hmangin Camping chhawng hnih an buatsaih a, campers 86 zinga 27 chu Kohhran pawl dang BCM, ECM, CCI(M), SA, etc. mi an ni. Zu zuar leh ngawl veiten simin piantharna an chang a; Upa Lalropuia te chhung leh Pu V. Lalpanpua te chhungin vawk an thawh a, Oct. ni 29 leh ni 31 khan Pathian chawimawina hun hlimawm tak an hmang.

Sesawng Kohhran chuan ni 15.10.2011–6.11.2011 chhung khan Pu R. Zaihmangthanga, Gospel Thunder Team Speaker ruaiin Camping chhawng thum an buatsaih a. Mi 286 lütin an vaiin siamthar lehna changin an chhuak vek a. Kohhranah thlarau hnathawh nasa tak avangin hlimna boruak a sang hle. Camping neih chhung hian mi pahnhin vawk sum nga vel ve ve an thawh a; hlim takin ruai an kil ho.

New Vervek Kohhran chuan ni 15.10.11–6.11.11 chhung khan Pathian Thuruk Enkawltu Team speaker, Pu Lalindawla ruaiin Chhandamna Camping chhawng thum an buatsaih a. Campers 107 an lüt a. Presbyterian Kohhran bakah Kohhran hrang hrang UPC, Baptist, ICI atangtein an lüt a, Kohhranin a hlawkpuiin an hlimpui hle. Campers zawng zawngten Pathian chhandamna an chang a; hlawkpui hlein an inhria.

Khanpui West Kohhran chuan ni 21–27.Nov. 2011 chhung khan Mi Lungngaite Thian Team Speaker Pu F. Hmingthansanga ruaiin Revival Crusade an nei a; Kohhran mipuiten hlawkpuina nasa tak neiin Kohhran pawl dang eng emaw zatin an chhim bawk.

Teikhang Kohhran hma laknain nikum ni 11.9.2010 khan Synod Social Front campaigner-te chaha Intodelh Seminar neih a ni a. Teikhang khua in 350-a chhungkaw eng emaw zatin eizawna ngelnghet a nih beisei leh ring chungin lo neih bansanin serthlum huan siam turin hma an la mek. NLUP atanga serthlum huan thlang pawh an tam phah hle a ni. Kumin atangin serthlum huan pualin ram pawh theh a ni a, khawtlangin a phurpui hle. Rei lo teah serthlum huan tha tak nei thei turin an inbuatsaih mek.

Thaidawr Kohhran chuan ni 14–27.11.2011 chhung khan Pathian Thuruk Enkawltu Team Speaker, Pu Lalindawla leh a Team te ruaiin camping chhawng thum an nei a, Campa lüt zawng zawngte hi mi 186 an ni. Pathian Thlarau Thianghlim tihharhna ropui tak changin an hlim hle a. Kum eng emaw zat inkhawm ngai tawh lote leh hnungtawlh tawhten siamthar lehna an chang a, an lawm hle.

Tuidam Kohhran chuan October 19–Nov.10 chhung khan Bialtu Pastor M.S. Dawngliana (i/c Kawrtethawveng Bial) speaker-a hmangin camping chhawng li an buatsaih a, campers 426 an lüt a, an zinga 36 chu Kohhran pawl dang mi an ni. Biak In thleng ngai tawh lo eng emaw zatin lawmna thar changin Kohhranho thlarau lam nun tihharh tharin a awm a, hlawkpui an inti hle.

Darlawng Kohhran chuan Nov. 12–Dec. 4 chhung khan Pu R. Lalanchhuaha speaker-a hmangin camping chhawng thum an buatsaih a; campers 127 an lüt. Chhingkaw eng emaw zatin an zu siamna tichhiain heng thil tha lo hi an bansan thu an puang. Zu leh ruihhlo ti thin eng emaw zat pawhin an thil chin tha lo chu sima Lal Isua zui turin thutlukna an siam. Pu Thanzauva te chhungkuain an vawk thawhin khawtlangin hlim takin tisa leh thlarau lam ruai an kil ho.

SAWMNA LEH HRIATTIRNA

⇒ **Sailam Kohhran** chuan December 29–30, 2011 hian an **Kohhran Centenary (Kum 100 tlin) lawm** an tum a. He hunah hian an Kohhrana lo lawi tawh zawng zawngte leh an khaw chhuak zawng zawngte tel vek turin an sawm a, chawhma leh chawhnu Biak Ina inkhawm a nih hnuah ruai ropui tak theh an tum bawk.

⇒ January 2–8, 2012 chhung khian **Mualcheng Kohhran Centenary lawm** tum a ni a. Hemi huna lo tel tur hian Mualcheng Kohhrana lo lawi tawh zawng zawng te an sawm.

⇒ January 6–8, 2012 chhung khian **Vanchengpui Kohhran Biak In hawn** a ni dawn a. Vanchengpui Kohhrana lo lawi tawh zawng zawng te, Lungpho Pastor Bial lo vawng tawhtu Pastor leh Pro. Pastor zawng zawng te tel vek turin an sawm.

⇒ **Kulikawn Kohhran** chuan ni 27.1.2012 (Zirtawpni) khian Kohhran kum 60 tlin **Dimond Jubilee lawm** an tum a, Kulikawn Kohhran member lo ni tawh zawng zawngte he Jubilee lawmna hmanpui tur hian an sawm. Chawhma dar 10:30-ah Lungphun hawn a ni ang a, dar 11:00-ah leh zan dar 6:30-ah Jubilee Lawmna Inkhawm a awm ang.

HNA RUAK

Kum 2012 chhung atan rawngbawlanaa ngaia thawk duh tan Salem Boarding-ah **Hostel Attendant** tur Tlangval pakhat leh Nula pakhat lak thar tur a ni dawn a; ruihtheih thil ti lo, class VIII passed chin tan dil theih a ni. Lawmman chu ₹ 3,000/-p.m. (Thla tin cheng sangthum) a ni ang. Interview hun hi ni 6.1.2012 a ni ang a, Salem Boarding-ah neih a ni ang.

MISSIONARY TRAINING COLLEGE HRIATTIRNA

Missionary Training College (MTC) Mission Vengthlangah Bachelor of Missiology (B.Miss.) zir duh tan dil theih a ni a. Dilna Form hi MTC Office atangin January 31.2012 thleng lak theih a ni.

Dil thei chin	: 10+2 passed or equivalent
Dil theih hun	: February 29, 2012
Written Test	: March 28, 2012
Personal interview	: March 30, 2012
A hmun	: Synod Office, Mission Veng

Sd/-Rev. K. Lalrinkima
Principal
Missionary Training College